

I. DISPOSICIÓNS XERAIS

CONSELLERÍA DO MAR

Orde do 17 de setembro de 2009 pola que se desenvolve o Decreto 211/1999, do 17 de xuño, polo que se regula a pesca marítima de recreo.

O Decreto 211/1999, do 17 de xuño, regula a pesca marítima de recreo. Nel establécense tanto condicións para o exercicio desta actividade de carácter recreativo como as modalidades de licenza e as autorizacións necesarias para a súa práctica.

A Orde do 13 de agosto de 1999, pola que se desenvolve o Decreto 211/1999, do 11 de xuño, foi anulada pola sentenza do 30 de setembro do 2003, da Sala do Contencioso-Administrativo do Tribunal Superior de Xustiza de Galicia; esta resolución xudicial foi confirmada en casación pola sentenza do 30 de maio de 2006, da Sala do Contencioso-Administrativo do Tribunal Supremo.

Esta orde dítase coa finalidade de desenvolver determinados aspectos do referido decreto que, pola súa especificidade ou polo seu carácter conxuntural, resulta máis oportuno remitir á unha regulación posterior. Por outra banda, búscase unha simplificación administrativa do procedemento de concesión das licenzas, tendo en conta o regulado no Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización dos medios electrónicos.

En concreto, é obxecto desta orde regular o procedemento para a obtención e renovación das distintas modalidades de licenza que habilitan para a práctica da pesca marítima recreativa, así como o procedemento para a obtención das autorizacións temporais das embarcacións da lista 6ª do Rexistro de matrícula de buques, as autorizacións para a celebración de concursos e competicións deportivas, así como a validación das licenzas procedentes doutras comunidades autónomas ou doutros estados membros.

Así mesmo, establécense os topos máximos de captura aos que habilitan as distintas modalidades de licenza ou autorización, os útiles de pesca, as zonas nas que está prohibido o exercicio da pesca recreativa submariña, así como o horario da pesca marítima de recreo. Estas limitacións obedecen a medidas de protección dos recursos mariños, necesariamente variables en función do seu estado de conservación ou explotación, polo que deben incardinarse nunha norma susceptible de ser modificada coa suficiente inmediatez para adaptarse ás circunstancias do medio sen menoscabo das necesarias garantías xurídicas.

En consecuencia, en virtude do disposto na disposición derradeira primeira do Decreto 211/1999, do 17 de xuño, e consultado o sector,

DISPOÑO:

Artigo 1º.-*Obxecto.*

O obxecto desta orde é regular o procedemento para a obtención e renovación das distintas modali-

dades de licenza que habilitan para a práctica da pesca marítima de recreo, así como o procedemento para a obtención das autorizacións das embarcacións da lista 6ª do Rexistro de matrícula de buques e a validación das licenzas de pesca submariña concedidas por outras comunidades autónomas ou por outros estados membros. Así mesmo, determina as zonas nas que está prohibido o exercicio da pesca marítima de recreo submariña, os topos máximos de captura autorizados e certas condicións relativas ás autorizacións para a celebración de concursos e competicións deportivas.

Artigo 2º.-*Órgano competente para a expedición e renovación da licenza de pesca marítima de recreo.*

A expedición e renovación das licenzas reguladas nesta orde correspóndelle ás xefaturas territoriais dos departamentos territoriais da consellería con competencias en materia de pesca.

Artigo 3º.-*Documentación necesaria para a obtención ou renovación da licenza de pesca marítima de recreo.*

Para a obtención ou renovación da licenza marítima de recreo será necesario presentar a seguinte documentación, de acordo coas modalidades que se definen no Decreto 211/1999, do 17 de xuño:

a) Para a licenza de pesca marítima de recreo en superficie:

-DNI, pasaporte, ou autorización para a súa consulta.

-Xustificante do pagamento da correspondente taxa.

b) Para a licenza de pesca marítima de recreo submariña:

-DNI, pasaporte, ou autorización para a súa consulta.

-Certificado médico oficial que acredite a aptitude para a práctica da pesca submariña. Os certificados médicos que cumpran os requisitos do artigo 25 da Orde do 14 de outubro de 1997 pola que se aproban as normas de seguridade para o exercicio de actividades subacuáticas terán unha validez de dous anos. O resto dos certificados médicos considerárase que terán unha validez dun ano desde a data de emisión.

-Póliza de seguro de accidentes e responsabilidade civil que cobra os accidentes en que puidese incorrer o titular da licenza durante o período da súa validez.

-Licenza de armas ou tarxeta federativa que a substitúa.

-Xustificante do pagamento da correspondente taxa.

-Documento que acredite o consentimento paterno, materno ou titorial cando o solicitante sexa menor de idade non emancipado.

Artigo 4º.-*Presentación da solicitude de obtención ou renovación da licenza de pesca marítima de recreo.*

1. As solicitudes de obtención ou renovación da licenza de pesca marítima en superficie poderán presentarse, á elección da persoa solicitante, por vía escrita ou por vía telemática da seguinte forma:

1) Vía escrita (en soporte papel).

A persoa interesada presentará a solicitude de conformidade co modelo que figura no anexo II desta orde, xunto cos documentos sinalados no artigo 3.a), nas xefaturas territoriais do departamento territorial correspondente da consellería con competencias en materia de pesca, sen prexuízo do disposto no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

Tamén poderán expedirse ou renovarse as licenzas, nas entidades financeiras nas que se realice o pagamento da taxa e que subscribisen o correspondente convenio de colaboración coa Xunta de Galicia para a tramitación de licenzas de pesca marítima de recreo en superficie. Neste caso unicamente será necesario a presentación do DNI ou pasaporte.

2) Vía telemática (por medios electrónicos):

Poderá accederse a esta vía de presentación a través da aplicación informática establecida no enderezo da internet: <http://xunta.es/servicios>, en concreto para este procedemento <http://xunta.es/apps/1pd>, onde se disporán os medios de axuda para a presentación da solicitude e a obtención ou renovación da licenza.

O solicitante poderá acceder a este servizo para obter ou renovar a licenza empregando un certificado dixital en vigor baixo a norma X.509 V3, consono o disposto no Decreto 164/2005, do 16 de xuño (DOG do 24 de xuño) e modificado polo Decreto 38/2009, do 19 de febreiro (DOG do 3 de marzo) polo que se regulan e determinan as oficinas de rexistro propias ou concertadas da Administración pública da Comunidade Autónoma de Galicia, se crea o Rexistro Telemático da Xunta de Galicia e se regula a atención ao cidadán, e realizando o pagamento da taxa por algún dos procedementos habilitados.

Para a renovación da licenza poderá acceder tamén sen contar co certificado dixital, unicamente introducindo o par: número do documento de identidade e número de licenza.

2. Para as solicitudes de obtención ou renovación da licenza de pesca marítima submarina, a persoa

interesada presentará a solicitude, de conformidade co modelo que figura no anexo III desta orde, xunto cos documentos sinalados no artigo 3.b), nas xefaturas territoriais do departamento territorial correspondente da consellería con competencias en materia de pesca, sen prexuízo do disposto no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

Artigo 5º.-*Praza para a renovación da licenza de pesca marítima de recreo.*

A licenza de pesca marítima de recreo poderá renovarse cunha antelación mínima de dous meses antes da fin da súa vixencia.

Artigo 6º.-*Validez das licenzas en zonas de desembocadura.*

1. No exercicio da pesca nas áreas de desembocadura (límite inferior ata límite superior) establecidas no Decreto 282/2002, do 6 de setembro, polo que se establece o réxime xurídico das licenzas que habilitan para o exercicio da pesca nas augas da Comunidade Autónoma de Galicia, poderase utilizar indistintamente as licenzas de pesca marítima ou fluvial.

2. Ambas licenzas habilitan, nestas zonas, para a pesca tanto das especies marítimas como das fluviais non anádromas.

Artigo 7º.-*Convalidacións.*

Para a convalidación dunha licenza de pesca de recreo submarina vixente, outorgada por outra Administración pública nacional ou dun Estado membro da Unión Europea, será necesario achegar copia da licenza expedida pola dita Administración, acompañada do xustificante de pagamento da taxa correspondente.

Artigo 8º.-*Autorizacións temporais das embarcacións da 6ª lista do Rexistro de matrícula de buques.*

1. Os titulares das embarcacións da 6ª lista do Rexistro de matrícula de buques que se dediquen ao exercicio da pesca marítima de recreo presentarán unha solicitude de conformidade co modelo que figura no anexo IV desta orde, na xefatura territorial do departamento territorial correspondente da consellería con competencias en materia de pesca, sen prexuízo do disposto no artigo 38.4º da Lei 30/1992, do 26 de novembro.

2. Na solicitude para a actividade indicarán o número de persoas para as que solicitan autorización. Virá acompañada da seguinte documentación:

a) DNI, pasaporte ou autorización de consulta.

b) Fotocopia compulsada ou autenticada notarialmente do rol da embarcación.

c) Fotocopia compulsada ou autenticada notarialmente do despacho ante Capitanía Marítima.

d) Xustificante do pagamento da taxa correspondente.

3. A expedición desta autorización correspóndelle ás xefaturas territoriais dos departamentos territoriais da consellería con competencias en materia de pesca. A súa validez será dun ano.

Artigo 9º.-Concursos, campionatos e competicións deportivas.

1. Para a celebración de concursos, campionatos e competicións deportivas de pesca recreativa, deberá solicitarse autorización como mínimo cun mes de antelación, empregando o modelo do anexo V. As solicitudes presentaranse na xefatura territorial do departamento territorial correspondente da consellería con competencias en materia de pesca, sen prexuízo do disposto no artigo 38.4º da Lei 30/1992, do 26 de novembro.

2. Na solicitude farase constar como mínimo día/s, mes, hora, modalidade, duración, plano da situación da zona e normativa que rexerá o concurso, campionato ou competición, así como o número previsto de participantes. As datas previstas poderán ser no período dun ano, contado a partir da data da solicitude. Deberá acompañarse o xustificante de pagamento da taxa correspondente.

3. En todo caso, os organizadores deberán garantir o seu correcto desenvolvemento, facéndose responsables dos danos que puidesen ocasionar por incumprimento das condicións establecidas na autorización.

4. A expedición desta autorización correspóndelle ás xefaturas territoriais dos departamentos territoriais da consellería con competencias en materia de pesca.

5. A devandita autorización non exime da necesidade de contar con outras autorizacións, en especial as relacionadas coa seguranza marítima previstas no Real decreto 62/2008, do 25 de xaneiro, polo que se aproba o Regulamento das condicións de seguranza marítima, da navegación e da vida humana no mar aplicables ás concentracións náuticas de carácter conmemorativo e probas náutico-deportivas.

6. Unha vez celebrada a competición ou campionato, os responsables destes deberán remitir á dirección xeral con competencias en materia de pesca no prazo dun mes desde a data da súa celebración, o rexistro das capturas feitas no evento, indicando especie, número e peso. A non remisión dos ditos datos levará consigo que non se volva autorizar outro evento á mesma entidade.

Artigo 10º.-Autorización de inmersiones.

As persoas que realicen inmersiones con equipos autónomos nas zonas definidas como prohibidas no

artigo 11º e o anexo VI, deberán solicitar autorización, utilizando o modelo recollido no anexo V, cunha antelación mínima de quince días á data da realización da actividade, á xefatura territorial do departamento territorial correspondente da consellería con competencias en materia de pesca.

Artigo 11º.-Limitacións, distancias e zonas prohibidas.

1. Establécense como limitacións e distancias para a práctica da pesca marítima de recreo, nas dúas modalidades, as reguladas nos artigos 15 e 18 do Decreto 211/1999.

2. Decláranse prohibidas para a práctica da pesca de recreo submariña as zonas sinaladas no anexo VI.

Artigo 12º.-Especies e topes de captura.

1. A licenza para a práctica da pesca marítima de recreo só habilita para a captura de cefalópodos e peixes, agás a anguía, debendo, en todo caso, respectar as épocas de extracción e tamaños que regulamentariamente se establezan.

2. Segundo o disposto no artigo 30.9º da Lei 7/1992, do 24 de xullo, de pesca fluvial, está prohibido pescar salmóns e reos nas rías e augas marítimas interiores competencia da comunidade autónoma.

3. En calquera modalidade de pesca marítima de recreo poderase capturar un máximo de cinco quilogramos por licenza e día, podendo non computarse o peso dunha peza que exceda o peso do tope establecido. Só se permitirá a tenza dunha peza que exceda o peso do tope establecido. Para o caso do polbo, o límite será dúas pezas por pescador e día.

4. Se a pesca de lecer se realiza desde unha embarcación da 7ª lista do Rexistro de matrícula de buques, o máximo de capturas por licenza e día será de cinco quilogramos, cun tope máximo por embarcación e día de dezaseis quilogramos, se son máis de tres as persoas embarcadas titulares de licenza.

5. Para as embarcacións da 6ª lista do Rexistro de matrícula de buques, o máximo de capturas por persoa e día será de cinco quilogramos, podendo non computarse o peso dunha peza que exceda o peso do tope establecido. Só se permitirá a tenza dunha peza que excede o peso do tope establecido.

6. Sen prexuízo do anterior, mediante resolución da consellería con competencias en materia de pesca, poderán establecerse medidas de protección específicas para determinadas especies e/ou zonas, cando o estado da explotación do recurso así o aconselle.

7. As embarcacións non poderán pescar, almacenar, transportar, transbordar nin efectuar descargas superiores aos topes máximos de capturas sinalados

nos puntos anteriores, aínda que estas correspondan a varios días continuos de navegación.

8. Para utilizar como cebo, os titulares de licenzas de pesca marítima de recreo en superficie poderán capturar diariamente ata un total de:

-50 poliuetos, segundo as condicións establecidas no artigo 9 da Orde do 6 de febreiro de 1998 pola que se regula a extracción de poliuetos, vermes mariños para cebo, no litoral de Galicia.

-40 cangrexos en total das seguintes especies: cangrexos zapateiros (*Pachygrapsus marmoratus*) e cangrexo común (*Carcinus maenas*).

-200 g de pulgas de mar.

-100 g de camaróns, quisquillas (quedando prohibida a captura do camarón común (*Palaemon serratus*)).

Artigo 13º.-*Horario de pesca recreativa.*

1. A pesca marítima de recreo en superficie poderá realizarse durante todos os días do ano.

2. A práctica da pesca marítima de recreo submarina estará permitida unicamente os sábados, domingos e festivos de carácter estatal ou autonómico. No período comprendido entre o xoves e o domingo de Semana Santa, e entre o 1 de maio e o 30 de setembro poderá ser practicada todos os días.

3. A pesca marítima de recreo de superficie desde embarcación e a pesca marítima de recreo submarina, realizaranse dentro do horario diurno, comprendido entre o orto e o ocaso.

Artigo 14º.-*Artes e útiles autorizados.*

1. Na práctica da pesca marítima de recreo en superficie, unicamente se poderán utilizar por licenza:

-Dúas canas ou sedais cun máximo de seis anzós.

-Dúas poteiras.

-Dúas garabetas.

-Un gancho.

Para os efectos desta disposición os cebos artificiais considéranse como anzós.

2. Autorízase, como arte auxiliar, o emprego dun trueiro.

3. Calquera outro tipo de artes ou aparellos de pesca, diferentes aos autorizados neste artigo, serán considerados antirreglamentarios, calquera que sexan as súas medidas ou cantidades e o seu empre-

go en actividades de pesca ou tenza a bordo de embarcacións de recreo queda prohibido.

Disposición adicional

Única.-A pesca recreativa levada a cabo en zonas que contén con algún tipo de protección, tanto ambiental como pesqueira, efectuarase conforme os requisitos establecidos na normativa reguladora destas, sendo necesario, en caso de que estea permitida a dita actividade, contar coa preceptiva licenza establecida nesta orde.

Disposicións derogatorias

Primeira.-Queda derogada a Orde do 14 de xuño de 2005 pola que se regula a obtención e renovación das licenzas de pesca marítima de recreo en superficie clase A.

Segunda.-Queda derogada a disposición adicional primeira e segunda da Orde do 13 de decembro de 2006 pola que se desenvolve o Plan de recuperación do polbo e se ditan normas para a aprobación de plans zonais.

Terceira.-Quedan derogadas, así mesmo, cantas disposicións de igual ou inferior rango que se oponían a esta orde.

Disposicións derradeiras


Primeira.-Facúltase o director xeral de Ordenación e Xestión dos Recursos Mariños para adoptar todas as medidas necesarias para o desenvolvemento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 17 de setembro de 2009.

Rosa Mª Quintana Carballo
Conselleira do Mar

ANEXO I

 XUNTA DE GALICIA CONSELLERÍA DO MAR	
LICENZA DE PESCA MARÍTIMA DE RECREO	NÚMERO
CLASE CADUCA DNI NOME	
Nota: a identidade do titular acreditarase co DNI, pasaporte ou CIF	



XUNTA DE GALICIA
CONSELLERÍA DO MAR

ANEXO II

PROCEDEMENTO CONCESIÓN DE LICENZA PESCA MARÍTIMA DE RECREO EN SUPERFICIE.	CÓDIGO DO PROCEDEMENTO PE405A	DOCUMENTO SOLICITUDE
---	---	--------------------------------

DATOS DO SOLICITANTE

NOME		DNI / NIF	
<input type="text"/>		<input type="text"/>	
ENDEREZO			
<input type="text"/>			
PROVINCIA E MUNICIPIO	CÓDIGO POSTAL	TELÉFONO	FAX
<input type="text"/>	<input type="text"/>	<input type="text"/>	<input type="text"/>

SOLICITA:

A concesión / renovación da licenza para practicar a pesca marítima de recreo del tipo:

SUPERFICIE

- CONCESIÓN ANUAL
 RENOVACIÓN MENSUAL

DOCUMENTACIÓN QUE SE ACHEGA

<input type="checkbox"/> DNI OU PASAPORTE (NO CASO DE NON AUTORIZAR A CONSULTA) <input type="checkbox"/> XUSTIFICANTE DE PAGAMENTO DA TAXA.
--

OBSERVACIÓNS

<input type="text"/>

Autorizo a consellería de conformidade co artigo 2 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009 que o desenvolve, para a consulta dos meus datos de identidade no Sistema de Verificación de Datos de Identidade do Ministerio da Presidencia.

SI NON

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase de que os datos persoais recollidos nesta solicitude se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido á Consellería do Mar como responsable do ficheiro.

LEXISLACIÓN APLICABLE <i>Orde do 17 de setembro de 2009 pola que se desenvolve o Decreto 211/1999, do 17 de xuño, polo que se regula a pesca marítima de recreo.</i>	(Para cubrir pola Administración) RECIBIDO <input type="text"/> REVISADO E CONFORME <input type="text"/>	NÚMERO DE EXPEDIENTE <input type="text"/> DATA DE ENTRADA ___/___/___ DATA DE EFECTOS ___/___/___ DATA DE SAÍDA ___/___/___
SINATURA DO SOLICITANTE OU PERSOA QUE O REPRESENTA En <input type="text"/>		

XEFE TERRITORIAL DO DEPARTAMENTO DA CONSELLERÍA DO MAR EN



ANEXO III

PROCEDEMENTO CONCESIÓN DE LICENZA PESCA MARÍTIMA DE RECREO SUBMARINA	CÓDIGO DO PROCEDEMENTO PE405A	DOCUMENTO SOLICITUDE
--	---	--------------------------------

DATOS DO SOLICITANTE

NOME		DNI / NIF	
ENDEREZO			
PROVINCIA E MUNICIPIO	CÓDIGO POSTAL	TELÉFONO	FAX

SOLICITA:

A concesión/renovación da licenza para practicar a pesca marítima de recreo do tipo:

Submarina para maiores de 16 anos

- | | |
|-------------------------------------|----------------------------------|
| <input type="checkbox"/> CONCESIÓN | <input type="checkbox"/> ANUAL |
| <input type="checkbox"/> RENOVACIÓN | <input type="checkbox"/> MENSUAL |
| <input type="checkbox"/> VALIDACIÓN | |

DOCUMENTACIÓN QUE SE ACHEGA

- DNI OU PASAPORTE (NO CASO DE NON AUTORIZAR A CONSULTA).
- CERTIFICADO MÉDICO OFICIAL.
- PÓLIZA SEGURO ACCIDENTES E RESPONSABILIDADE CIVIL.
- LICENZA DE ARMAS OU TARXETA FEDERATIVA.
- XUSTIFICANTE DE PAGAMENTO DA TAXA.
- CONSENTIMENTO PATERNO PARA MENORES DE 18 ANOS.
- NAS VALIDACIÓNS, FOTOCOPIA DA LICENZA DOUTRA ADMINISTRACIÓN VIXENTE.

OBSERVACIÓNS

--

Autorizo a consellería, de conformidade co artigo 2 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009 que o desenvolve, para a consulta dos meus datos de identidade no Sistema de Verificación de Datos de Identidade do Ministerio da Presidencia.

- SI NON

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase de que os datos persoais recollidos nesta solicitude se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido á Consellería do Mar como responsable do ficheiro.

<p>LEXISLACIÓN APLICABLE</p> <p><i>Orde do 17 de setembro de 2009 pola que se desenvolve o Decreto 211/1999, do 17 de xuño, polo que se regula a pesca marítima de recreo.</i></p> <hr/> <p>SINATURA DO SOLICITANTE OU PERSOA QUE O REPRESENTA</p> <p>En _____</p>	<p>(Para cubrir pola Administración)</p> <table border="1"> <tr> <td>RECIBIDO</td> <td>NÚMERO DE EXPEDIENTE</td> </tr> <tr> <td> </td> <td>_____</td> </tr> <tr> <td> </td> <td>DATA DE ENTRADA</td> </tr> <tr> <td> </td> <td>___/___/___</td> </tr> <tr> <td> </td> <td>DATA DE EFECTOS</td> </tr> <tr> <td> </td> <td>___/___/___</td> </tr> <tr> <td> </td> <td>DATA DE SAÍDA</td> </tr> <tr> <td> </td> <td>___/___/___</td> </tr> </table>	RECIBIDO	NÚMERO DE EXPEDIENTE		_____		DATA DE ENTRADA		___/___/___		DATA DE EFECTOS		___/___/___		DATA DE SAÍDA		___/___/___
RECIBIDO	NÚMERO DE EXPEDIENTE																

	DATA DE ENTRADA																
	___/___/___																
	DATA DE EFECTOS																
	___/___/___																
	DATA DE SAÍDA																
	___/___/___																

XEFE TERRITORIAL DO DEPARTAMENTO DA CONSELLERÍA DO MAR EN _____



XUNTA DE GALICIA
CONSELLERÍA DO MAR

ANEXO IV

PROCEDEMENTO AUTORIZACIÓNS TEMPORAIS DAS EMBARCACIÓNS DA 6ª LISTA DO REXISTRO DE MATRÍCULA DE BUQUES	CÓDIGO DO PROCEDEMENTO PE405A	DOCUMENTO SOLICITUDE
--	---	--------------------------------

DATOS DO SOLICITANTE

NOME		DNI/NIF	
ENDEREZO			
PROVINCIA E MUNICIPIO	CÓDIGO POSTAL	TELÉFONO	FAX

SOLICITA:

A concesión de autorización para practicar a pesca marítima de recreo tipo:

EN SUPERFICIE PARA TITULARES DE EMBARCACIÓNS DA 6ª LISTA

CONCESIÓN

DOCUMENTACIÓN QUE SE ACHEGA

- DNI OU CIF DA EMBARCACIÓN (NO CASO DE NON AUTORIZAR A CONSULTA).
- DESPACHO ANTE CAPITANÍA MARÍTIMA.
- ROL DA EMBARCACIÓN.
- XUSTIFICANTE DE PAGAMENTO DA TAXA.

OBSERVACIÓNS

--

Autorizo a consellería de conformidade co artigo 2 do Decreto 255/2008, do 23 de outubro, e a orde da Consellería de Presidencia, Administracións Públicas e Xustiza, do 7 de xullo de 2009 que o desenvolve, para a consulta dos meus datos de identidade no Sistema de Verificación de Datos de Identidade do Ministerio da Presidencia.

SI NON

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase de que os datos persoais recollidos nesta solicitude se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido á Consellería do Mar como responsable do ficheiro.

<p>LEXISLACIÓN APLICABLE</p> <p><i>Orde do 17 de setembro de 2009 pola que se desenvolve o Decreto 211/1999, do 17 de xuño, polo que se regula a pesca marítima de recreo.</i></p> <hr/> <p>SINATURA DO SOLICITANTE OU PERSOA QUE O REPRESENTA</p> <p>En _____</p>	<p>(Para cubrir pola Administración)</p> <table border="1"> <tr> <td>RECIBIDO</td> <td>NÚMERO DE EXPEDIENTE</td> </tr> <tr> <td></td> <td>_____</td> </tr> <tr> <td></td> <td>DATA DE ENTRADA</td> </tr> <tr> <td></td> <td>___/___/___</td> </tr> <tr> <td></td> <td>DATA DE EFECTOS</td> </tr> <tr> <td></td> <td>___/___/___</td> </tr> <tr> <td></td> <td>DATA DE SAÍDA</td> </tr> <tr> <td></td> <td>___/___/___</td> </tr> </table>	RECIBIDO	NÚMERO DE EXPEDIENTE		_____		DATA DE ENTRADA		___/___/___		DATA DE EFECTOS		___/___/___		DATA DE SAÍDA		___/___/___
RECIBIDO	NÚMERO DE EXPEDIENTE																

	DATA DE ENTRADA																
	___/___/___																
	DATA DE EFECTOS																
	___/___/___																
	DATA DE SAÍDA																
	___/___/___																

XEFE TERRITORIAL DO DEPARTAMENTO DA CONSELLERÍA DO MAR EN _____



XUNTA DE GALICIA
CONSELLERÍA DO MAR

ANEXO V

PROCEDIMENTO PESCA MARÍTIMA DE RECREO: AUTORIZACIÓN PARA INMERSIÓN E CONCURSOS OU CAMPIONATOS	CÓDIGO DO PROCEDEMENTO PE405B	DOCUMENTO SOLICITUDE
---	---	--------------------------------

DATOS DO SOLICITANTE

NOME		DNI / NIF	
[Empty field]			
ENDEREZO			
[Empty field]			
PROVINCIA E MUNICIPIO	CÓDIGO POSTAL	TELÉFONO	FAX
[Empty field]	[Empty field]	[Empty field]	[Empty field]

SOLICITA:

- AUTORIZACIÓN PARA A INMERSIÓN EN ZONA DEFINIDA COMO PROHIBIDA.
- AUTORIZACIÓN PARA CONCURSOS, CAMPIONATOS OU COMPETICIÓNS DEPORTIVAS DE PESCA RECREATIVA.

DOCUMENTACIÓN QUE SE ACHEGA

<p><u>INMERSIÓN</u></p> <ul style="list-style-type: none"> <input type="checkbox"/> ZONA NA QUE SE VAI REALIZAR A INMERSIÓN <input type="checkbox"/> EPOCA (DÍA/MES/ANO) <input type="checkbox"/> HORARIO 	<p><u>CONCURSOS, CAMPIONATOS OU COMPETICIÓNS DE CARÁCTER RECREATIVO</u></p> <ul style="list-style-type: none"> <input type="checkbox"/> DÍA/S <input type="checkbox"/> HORAS <input type="checkbox"/> MODALIDADE <input type="checkbox"/> PLANO DA ZONA <input type="checkbox"/> Nº DE PARTICIPANTES ESTIMADO <input type="checkbox"/> COPIA DA NORMATIVA QUE REXERÁ O CONCURSO <input type="checkbox"/> XUSTIFICANTE PAGAMENTO DE TAXAS
--	---

OBSERVACIÓNS

[Empty field]

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase de que os datos persoais recollidos nesta solicitude se incorporarán a un ficheiro, para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei, mediante un escrito dirixido á Consellería do Mar como responsable do ficheiro.

<p>LEXISLACIÓN APLICABLE</p> <p><i>Orde do 17 de setembro de 2009 pola que se desenvolve o Decreto 211/1999, do 17 de xuño, polo que se regula a pesca marítima de recreo.</i></p> <hr/> <p>SINATURA DO SOLICITANTE OU PERSOA QUE O REPRESENTA</p> <p>En [Empty field]</p>	<p>(Para cubrir pola Administración)</p> <table border="1"> <tr> <td>RECIBIDO</td> <td>NÚMERO DE EXPEDIENTE</td> </tr> <tr> <td>[Empty field]</td> <td>_____</td> </tr> <tr> <td>REVISADO E CONFORME</td> <td>DATA DE ENTRADA</td> </tr> <tr> <td>[Empty field]</td> <td>___/___/___</td> </tr> <tr> <td></td> <td>DATA DE EFECTOS</td> </tr> <tr> <td></td> <td>___/___/___</td> </tr> <tr> <td></td> <td>DATA DE SAÍDA</td> </tr> <tr> <td></td> <td>___/___/___</td> </tr> </table>	RECIBIDO	NÚMERO DE EXPEDIENTE	[Empty field]	_____	REVISADO E CONFORME	DATA DE ENTRADA	[Empty field]	___/___/___		DATA DE EFECTOS		___/___/___		DATA DE SAÍDA		___/___/___
RECIBIDO	NÚMERO DE EXPEDIENTE																
[Empty field]	_____																
REVISADO E CONFORME	DATA DE ENTRADA																
[Empty field]	___/___/___																
	DATA DE EFECTOS																
	___/___/___																
	DATA DE SAÍDA																
	___/___/___																

XEFE TERRITORIAL DO DEPARTAMENTO DA CONSELLERÍA DO MAR EN

[Empty field]

ANEXO VI

Límites inferiores para a pesca recreativa submarina

Zonas do litoral nas que está prohibida a práctica da pesca marítima de recreo submarina.

1. En todas as rías, por dentro das seguintes liñas:

-Ría de Ribadeo: entre punta da Cruz (659299, 4824720) (-7° 01.754', 43° 33.388') e Illa Pancha (658370, 4824645) (-7° 02.445', 43° 33.360').

-Ría de Viveiro: entre Punta Socastro (612356, 4841755) (-7° 36.394', 43° 43.101') e Punta Faro (614150, 4841020) (-7° 35.074', 43° 42.688').

-Ría do Barqueiro: entre Punta Almeiro (606785, 4846520) (-7° 40.492', 43° 45.724') e Punta Caba Baixa (606995, 4844780) (-7° 40.357', 43° 44.782').

-Ría de Ortigueira: entre Punta do Castro (591590, 4843780) (-7° 51.844', 43° 44.366') e Punta Espasante (595815, 4842395) (-7° 48.712', 43° 43.586').

-Ría de Ferrol: Punta Redonda (559155, 4812775) (-8° 16.212', 43° 27.815') e Punta do Vispón (559360, 4813200) (-8° 16.057', 43° 28.043').

-Ría de Ares-Betanzos: entre Punta Miranda (560105, 4807700) (-8° 15.549', 43° 25.069') e Punta Redonda (557000, 4805525) (-8° 17.856', 43° 23.908').

-Ría da Coruña: entre Dique Barrié (550825, 4801770) (-8° 22.452', 43° 21.906') e Punta Mera (552265, 4803670) (-8° 21.374', 43° 22.927').

-Ría de Corme-Laxe: Entre Punta do Chans (502010, 4790115) (-8° 58.602', 43° 15.712') e Punta Cabalo (501685, 4786500) (-8° 58.843', 43° 13.759').

-Ría de Camariñas: entre Punta Villueira (484455, 4774595) (-9° 11.553', 43° 07.317') e Punta Chorenta (483970, 4772595) (-9° 11.907', 43° 06.236').

-Ría de Corcubión: entre Punta Bardullas (478930, 4750305) (-9° 15.573', 42° 54.185') e Punta da Nasa (483050, 4751765) (-9° 12.548', 42° 54.980'); e entre Cabo Cee (485160, 4751730) (-9° 10.996', 42° 54.964') e Punta Galera (487110, 4751185) (-9° 09.562', 42° 54.672').

-Ría de Muros e Noia: entre Punta Reburdiño (496200, 4735510) (-9° 02.875', 42° 46.208') e Illa de Santa Catalina (498865, 4736975) (-9° 00.920', 42° 47.001') e entre esta última e Punta Refins do Cons (504080, 4734240) (-8° 57.095', 42° 45.522').

-Ría de Arousa: entre Punta Cabío (506695, 4715175) (-8° 55.191', 42° 35.220') e Punta Barbafeita (509005, 4713185) (-8° 53.504', 42° 34.143') e entre Punta Castelo (510450, 4708385) (-8° 52.453', 42° 31.548') e Cabeza do Mouro (509000, 4704750) (-8° 53.515', 42° 29.585').

-Ría de Pontevedra: entre Punta Santa Marina (519515, 4693680) (-8° 45.861', 42° 23.592') e Punta Chirleu (521800, 4691850) (-8° 44.199', 42° 22.600').

-Ría de Aldán: entre Punta Preguntoiro ou do Bon (514685, 4684840) (-8° 49.395', 42° 18.822') e Punta Chirleu (513505, 4682320) (-8° 50.258', 42° 17.461').

-Ría de Vigo: entre Punta Rodeira (519450, 4678640) (-8° 45.938', 42° 15.465') e a punta sur do peirao Pesqueiro do Porto de Vigo (521770, 4676070) (-8° 44.265', 42°, 14.037').

-Ría de Baiona: entre Punta Lamela (512495, 4667370) (-8° 51.012', 42° 09.384') e Punta do Boi (512335, 4664225) (-8° 51.132', 42° 07.684').

2. Na provincia de Lugo: a menos de 250 metros das illas Coelleiras, Farallóns e Ansarón.

3. Na provincia da Coruña: a menos de 250 m do illote dos Aguillóns, illas Sisargas, Lobeiras e As Basoñas.

II. AUTORIDADES E PERSOAL

a) CESAMENTOS

CONSELLERÍA DO MAR

Orde do 16 de setembro de 2009 pola que se dispón o cesamento dun vogal do Consello de Administración da Autoridade Portuaria de Vigo e a súa ría.

A Lei 27/1992, do 24 de novembro, de portos do Estado e da mariña mercante, texto reformado pola Ley 62/1997, do 26 de decembro, atribúelles ás comunidades autónomas as facultades de designación e separación dos vogais dos consellos de administración das autoridades portuarias de interese do Estado situadas no seu territorio.

O acordo do Consello da Xunta de Galicia do 10 de xaneiro de 2002, modificado polo do 6 de xuño de 2002, faculta o titular da consellería competente en materia de portos para o exercicio das devanditas competencias.

Conforme o previsto no artigo 40 da Lei 27/1992, do 24 de novembro, de portos do Estado e da mariña mercante, texto reformado pola Lei 62/1997, do 26 de decembro, a designación e separación dos vogais dos consellos de administración deberanse facer necesariamente por proposta das administracións públicas e entidades e organismos representados no Consello de Administración, polo que, ao abeiro do disposto no artigo 40 da Lei 27/1992, e en canto órgano competente,

DISPOÑO:

O cesamento como vogal do Consello de Administración da Autoridade Portuaria de Vigo e a súa ría, en representación da Administración xeral do Estado, de Juan Antonio Sardina Páramo, agradecéndolle os servizos prestados.

Santiago de Compostela, 16 de setembro de 2009.

Rosa María Quintana Carballo
Conselleira do Mar